



FLÓRENS & CAPRÍ



16. – 28. maí 2023

Fararstjórn: Hólmfríður Bjarnadóttir

Sumar 1

Ítalía | Austurríki | Þýskaland

Ferðalýsing

Flórens, **Sorrento**, Amalfíströndin og eyjan **Caprí** eru sannkallaðar draumaperlur Ítalíu en kynngimögnuð feegurð þessara staða umvefur okkur í þessari glæsilegu ferð. Ferðin byrjar í **Brixen** í Suður-Tíról á Ítalíu en þaðan förum við til hinnar fögru borgar **Flórens**, eða La Bella eins og hún er oft nefnd, sem er ein glæsilegasta lista- og menningarborg Ítalíu. Í Flórens upplifum við skemmtilega daga á meðan við fræðumst um sögu, listir og mannlíf borgarinnar. Þessi menningarborg er einstök og hreint ótrúlegt að slíkur fjöldi listaverka sé varðveittur á einum og sama staðnum. Verk listamanna á borð við **Leonardo da Vinci** og **Michelangelo**, auk svo margra annarra, gæða borgina slíkum töfrum að enginn fer héðan ósnortinn. Nú bíður okkar hinn dásamlegi **Napólíflói** og **Sorrento**, eftirsóttasti ferðamannabær hans, þar sem við njótum ljúfra daga. Boðið verður upp á ævintýrlega siglingu til sæbrattrar klettaeyjunnar **Caprí** þar sem siglt verður í **Bláa hellinn** og farið með stólalyftu upp á hæsta fjall eyjunnar, Monte Solaro. Við bæði siglum og ökum með **Amalfíströndinni**, sem er ein fallegasta strönd Ítalíu, með viðkomu í bæjunum **Amalfí** og **Positano**. Endum þessa glæsilegu ferð í nágrenni við bæinn **Lido di Ostia** þar sem við skoðum fallega bæinn Frascati í Albaner fjöllum og **Pompei** þar sem finna má eina af frægustu fornminjum veraldar.

13 dagar | 12 nætur

1 nótt Brixen | 3 nætur Flórens | 6 nætur Sorrento | 2 nætur í nágrenni Lido di Ostia



16. maí | Flug til München & Brixen

Brottför frá Keflavík kl. 7:20 og mæting í Leifsstöð u.þ.b. 2,5 klst. fyrir brottför. Lending í München kl. 13:05 að staðartíma. Þaðan er ekin falleg leið um Alpana suður á bóginn, gegnum Brennerskarð og niður til Brixen í Suður-Tíról á Ítalíu þar sem gist verður fyrstu nóttina.

17. maí | Brixen & Flórens

Eftir góðan morgunverð verður ekið til borgarinnar Flórens sem staðsett er í hinu víðfræga héraði Toscana. Flórens er með glæsilegustu lista- og menningarborgum Ítalíu og ein af fjölsóttustu borgum veraldar. Lega borgarinnar er með eindæmum fögur en hún stendur beggja vegna Arno fljótsins. Í Flórens verður gist í þrjár nætur á hóteli í miðbænum, aðeins örfáum skrefum frá demöntum listasögunnar.



18. maí | Skoðunarferð í Flórens & frjáls tími

Við hefjum daginn á fróðlegri skoðunarferð um Flórens með heimamann í fararbroddi sem mun leiða okkur í allan sannleikann um sögu og mannlíf borgarinnar. Fáar borgir komast í hálfkvist við Flórens en ótrúlegt er að slíkur fjöldi fágætra listaverka finnist á jafn litlu svæði. Að skoðunarferðinni lokinni gefst hverjum og einum tími til að kanna borgina betur á eigin vegum og fá sér hressingu.

19. maí | Frjáls dagur í Flórens

Hver kannast ekki við snillinga á borð við Leonardo da Vinci, Michelangelo, Botticelli, Galileo Galilei, Dante og Machiavelli? Allir mörkuðu þeir spor sín í menningar- og listasögu Flórens. Í dag er upplagt að skoða sig betur um í töfrandi borginni og verja t.d. drjúgum tíma á Galleria deglia Uffezi listasafninu, sem er eitt glæsilegasta listasafn landsins. Það var áður stjórnsýsluhús en er nú málverkasafn með 4.500 myndum sem sýna þróun menningar í Flórens og málralistar í Feneyjum. Svo má ekki gleyma glæsilegustu höll borgarinnar, Palazzo Pitti, og yndislegum garði hennar. Kaupmenn borgarinnar eru á sínum stað og leggja sitt af mörkum til að gera þetta að ógleymanlegum degi.



20. maí | Flórenz & Sorrento

Nú kveðjum við Flórens og öikum til Sorrento við Napolíflóa, eins fallegasta flóa landsins. Sorrento er hrífandi bær í bröttum hlíðum en þar vaxa ólífur-, appelsínu- og sítrónutré og þess má geta að Limoncello líkjörinn frægi kemur frá þessu svæði. Á þessum dásamlega stað verður gist í 6 nætur á góðu hóteli en þaðan er glæsilegt útsýni yfir á Vesúvíus eldfjallið.



21. maí | Skoðunarferð í Sorrento við Napolíflóa & frjáls tími

Við ætlum að eiga skemmtilegan dag í Sorrento en eftir góðan morgunverð býður fararstjórinn upp á skoðunarferð um bæinn og eftir það er upplagt að kanna dásamlegt umhverfið í Sorrento, eins eftirsóttasta ferðamannabæjarins á Sorrento skaganum. Í bænum er fjöldinn allur af einstaklega heillandi, þröngum, gömlum götum, fögrum kirkjum og glæstum byggingum. Eftir það er frjáls tími til að kanna iðandi mannlíf bæjarins.

22. maí | Sigling til Caprí



Nú höldum við í siglingu til Caprí, perlu Napolíflóans. Við skoðum fallegu eyjuna, siglum að Bláa hellinum, Grotta Azzurra, og förum upp til Caprí og Anacapri þar sem við njótum stórfenglegs útsýnis. Áhugasömum gefst tækifæri til að fara með stólalyftu upp á fjallið Monte Solaro. Jafnframt verður hægt að fá sér hressingu og skoða alls kyns handunnar vefnaðarvörur eins og kniplinga, dúka, klæði og fatnað.

23. maí | Rólegheit & slökun í Sorrento

Þennan dag gefst heill dagur til þess að slaka á og njóta þess að vera á þessum yndislega stað. Sorrento er líflegur og skemmtilegur bær, þar er margt að skoða og tilvalið að kíkja í verslanir og á kaffi- og veitingahús. Einnig er hægt að slaka á við sundlaug hótelsins eða ganga með strandlengjunni.

24. maí | Sigling & rúta með Amalfíströndinni



Haldið verður í töfrandi dagsferð um Amalfíströndina þar sem fegurðin er svo sannarlega einstök. Við hefjum daginn á ferð með smárútum með fram ströndinni og hvarvetna gefur að líta dásamlegt landslag á þessari fallegu leið til bæjarins Amalfí, þar sem við stoppum og skoðum okkur um. Á rölti um bæinn sjáum við fallega dómkirkju frá 10. öld, lífleg veitinga- og kaffihús og litlar verslanir sem gaman er að kíkja inn í. Því næst verður farið í hrifandi siglingu með

Amalfíströndinni til Sorrento en þaðan gefur að líta ægífagurt útsýni yfir fallegustu strandlengju Ítalíu og sjáum við þar litskrúðug hús, hótél og smábæi sem hanga utan í klettabrúninni. Á þessari ljúfu siglingu verður að í Positano, einum þekktasta og vinsælasta ferðamannabæ Amalfístrandarinnar áður en siglt verður til Sorrento. Við mælum eindregið með því að gestir gæði sér á grilluðum sjávarréttum í hádeginu en þeir eru einn helsti sérreittur svæðisins.

25. maí | Dagur í Sorrento

Dagurinn er tilvalinn til afslöppunar.

Skemmtilegt er að upplifa bæinn og hinar gróðursælu ólífú-, appelsínu-, og sítrónuhæðir fyrir ofan hann með því að taka litlu lestina. Einnig er tilvalið að kíkja í verslanir og á kaffi- og veitingahús. Eftir hádegis er upplagt er að nota aðstöðuna við hótelið eða fara niður að gömlu bátahöfninni en þar er úrval góðra veitingarstaða. Svo er líka hægt að fara á fallegu baðströndinni og taka sundsprett.



26. maí | Fornminjar í Pompei & Lido di Ostia

Nú kveðjum við þennan yndislega stað eftir ljúfa daga og stefnan er tekin á Lido di Ostia, þar sem gist verður í nágrenni bæjarins í tvær nætur. Á leiðini þangað verður að í Pompei þar sem skoðaðar verða einhverjar frægustu fornminjar veraldar. Rústir gömlu Pompei eru eitt stórkostlegasta dæmið um fornleifauppgröft heillar byggðar og mun heimamaður leiða okkur í allan sannleikann um söguna. Eftir það verður gefinn frjáls timi til að slaka á og fá sér hressingu áður en ferð heldur áfram.



27. maí | Castel Gandolfo & Frascati

Í dag upplifum við undurfagra leið um svæðið Castella Romani en þar er fræga Frascati vínhérað í Albaner fjöllum. Fyrr á tímum var þar athvarf fyrir rómverskt aðalsfólk á heitum sumarmánuðum en margar glæsilegar villur bera þess vitni enn þann dag í dag. Byrjað verður á að aka til Castel Gandolfo sem telst til fallegri bæja á Ítalíu og stendur í Albaner hæðunum við Albaner vatn. Hér hefur sumardvalarstaður páfanna í Róm verið frá 17. öld en núverandi páfi, Franziskus, opnaði hliðið fyrir gestum alls staðar að úr heiminum og gerði sumarhöll páfans að safni. Við skoðum okkur um í þessum fallega bæ en eftir það verður ekið til

Frascati þar sem við förum í skemmtilega göngu um bæinn. Því næst er frjálstími til að fá sér hressingu og njóta þess að vera á þessum fagra stað.

28. maí | Lido di Ostia & heimflug frá Róm

Nú er komið að heimferð eftir glæsilega ferð. Eftir góðan morgunverð verður ekið inn í Lido di Ostia sem er lítill og skemmtilegur strandbær. Það er gaman að fara í göngu með ströndinni en einnig eru litlar verslanir, kaffi- og veitingahús bæði með fram ströndinni og inni í bænum. Fyrir áhugasama er hægt að skoða Antika Ostia sem eru, á eftir Pompeii, umfangsmestu og glæsilegustu fornminjar Ítalíu. Á tímum Rómaveldis lá keisarahöfn Claudiusar og Trajans beint við sjóinn og hér eru leifar af varmaböðum, leikhúsum, hofum, verslunum, gistihúsum og íþróttamannvirkjum. Upplagt er að fá sér hádegishressingu í Lido di Ostia áður en ekið verður út á flugvöll í Róm og er brottför þaðan kl. 16:00. Áætluð landing í Keflavík kl. 18:45 að staðartíma.



Fararstjóri getur fært dagskrárliði á milli daga eftir þörfum þegar komið er á staðinn.

Verð

449.900 kr. á mann í tvíbýli | 114.600 kr. aukagjald fyrir einbýli.

Innifalið

- ✓ Flug með Icelandair og flugvallarskattar.
- ✓ Gisting í 2ja manna herbergi með baði.
- ✓ Morgunverður allan tímann á hótélum.
- ✓ Níu kvöldverðir á hótélum.
- ✓ Allar skoðunarferðir með rútu samkvæmt ferðalýsingu.
- ✓ Ferja til og frá Caprí og litlir strætisvagnar um Caprí.
- ✓ Sigling og ferð með smárútum meðfram Amalfíströndinni.
- ✓ Íslensk fararstjórn.

Ekki innifalið

- ✓ Þrír kvöldverðir í Flórens.
- ✓ Aðgangseyrir inn í söfn, hallir og kirkjur.
- ✓ Kláfar eða stólalyftur upp á fjöll.
- ✓ Vínsmökkun.
- ✓ Hádegisverðir.



Valfrjálst

- ✓ Aðgangur að fornminjum í Pompei u.þ.b. € 19.
- ✓ Blái hellirinn u.þ.b. € 30.
- ✓ Stólalyfta upp á Monte Solaro fjallið á Caprí u.þ.b. € 13.
- ✓ Aðgangur inn í Galleria deglia Uffizi listasafnið í Flórens u.þ.b. € 30.
- ✓ Aðgangur inn í Antika Ostia u.þ.b. € 14.